

SCRIPTA

Numéro Scripta : 4366

Auteur(s) : Coutances (official)

Bénéficiaire(s) : Raymond de Perriers [clerc]

Genre d'acte : charte

Authenticité : non suspect

Datation : 1295, 17 janvier

Lieu d'émission : Coutances

Action juridique : notification

Langue du texte : latin

Analyse

L'official de Coutances fait savoir que Colin dit Le Vavasseur de Blainville a reconnu devant lui qu'il devait payer une rente annuelle au clerc Raymond de Perriers pour une pièce de terre sise à Blainville.

Tableau de la tradition

Éditions principales

a. Dubosc François, *Cartulaire de la Manche*, abbaye de la Luzerne, abbaye de Mont-Morel, prieuré de la Perrine, Saint-Lô, Jacqueline fils (Archives départementales de la Manche), 1878, Luzerne, n° CLI, p. 136-138.

Texte établi d'après a

Universis hec visuris Officialis Constanciensis salutem in Domino. Noveritis quod, presentibus in jure coram nobis Raymondo de Perreria, clerico Gasconico, ex una parte, et Colino dicto Le Vavassor, de parrochia de Bleinvilla, jurisdictioni nostre, quoad que sequuntur, se spontanee, parte ex altera, recognovit spontanee idem Colinus se debere ac teneri solvere prefato Raymondo tres boissellos et dimidium frumenti, ad mensuram Constanciensem, annui redditus ad festum Sancti Michaelis in Monte Gargano, unum panem unius denarii et unum caponem de regardo ad Natale Domini cum homagio dicti Colini pro quadam petia terre dimidiam virgatam continente, sita in dicta parrochia juxta terram Radulfi Hugonis, ex uno latere, et, ex alio, juxta terram Johannis dicti Le Large, et quod idem Colinus petiam terre supradictam ceperat in feodum perpetuum ac tenebat ab eodem Raymondo, pro solvendo et reddendo ab ipso Colino dicto Raymondo et ejus heredibus, suo tempore, redditum et regardum predictos, anno quolibet ad terminos assignatos, conventionem ac stipulationem solempni inter ipsos Raymondum et Colinum, in traditione et captione predictae petie terre, accedente quod idem Colinus faciet et curabit, ad ejus expensa, infra duos annos ex nunc complendos, unam ressanseiam seu domum valoris centum solidorum Turonensium in petia terre supradicta fieri ac etiam situari, sub pena centum solidorum Turonensium super hoc apposita, solvendorum ab eodem Colino prefato Raymondo, nisi dictus Colinus infra dictum biennium in eadem petia terre ressanseiam seu domum valoris predicti situari ac fieri procuraret, se heredesque suos et bona sua omnia mobilia et immobilia dicto Raymondo, propter hoc, obligando ac nostre jurisdictioni, ob premissa, spontanee supponendo ; dictusque Raymondus tenetur, per conventionem habitam inter eos, primodictam peciam terre, pro redditu et regardo predictis, ab omnibus redditibus, fesantiis ac exactionibus secularibus prefato Colino acquitare erga omnes et penitus liberare ipsumque Colinum et ejus heredes quoslibet, suo tempore, indemnes super hiis, modis omnibus, observare, renunciavitque super hiis idem Colinus exceptionibus doli mali, fori falsi, rei non tradite, non habite, detempte, cuilibet privilegio cruce signati indulto ac indulgendo et aliis universis, de non veniendo contra juramento a dicto Colino prestito coram nobis, et nos ipsum C. volentem et consentientem ad hec

dicto Raymondo condempnamus, sigillum Curie Constanciensis, ad petitionem partium, presentibus appendentes, in testimonium premissorum. Actum et datum Constanciis anno Domini M° CC° nonagesimo quarto, die lune ante festum Sanctorum Fabiani et Sebastiani.